

Gvangjsih Minzcuz Bau

Cawigueni: Gvangsiah Bouxcuengh Swcigih Minzcuz Cunghvau Swvu Veijvenzvei

Cawjbanh: Gvangsiah Minzcuz Bause

Geiz neix 8 bani

广西民族报 Aenhauh okbanj: CN45-0036

B.2025

Nd.8 Ng.27

Liggaeuq ietceih nienz ndwencaet co' ngx

Geizsoq: Gungh daih 3683 geiz

Daengx Gih Gyajseizhwngq Niemhcuengq Bouxhek Haeujok Gyaiq Mauhgvaq 200 Fanh Vunzbaez

Ciuq Gvangjsih Haeujok Gyaiq Benhfangz Cungcan suenq, 7 nyied 1 hauh daengz 8 nyied 22 hauh duenh gyajseizhwngq, daengx gih gungh niemhcuengq bouxhek haeujok gyaiq mauhgvaq 200 fanh vunzbaez, doengzbeij lai hwnj 17.8%, hamj gyaiq baeyouz laebdaeb lai hoenghwhdwd.

Bi doxgyau yinzvwnz Cungguk Yeznanz gikhoengh hamj gyaiq baeyouz hoenghwhd. Youq Dieg Doxgap Hamj Gyaiq Baeyouz Raemxdiuqdat Dwzdenh(Banjyoz) Cungguk Yeznanz, Sozlungz Benhgenjcan doenggvaq "mienx aeu

raizfwngz, mienx gaepyaenq, mienx dienz mbawgaj vunz guekrog haeuj gyaiq" caeuq gwnzsieng caez saemj doengh gij banhfap fuengbienh neix, hawj bouxhek haeujok gyaiq gvaq ndaej doengrat, dieg doxgap soq bouxhek doengzbeij lai hwnj 17.4%. gij cwngcwz lai fuengbienh ciemcingq caemhyamq doihaeuj lai hawj vunz ndaej leih, Nanzningz Goujan dangguh dieg youqgaenj hangzgungh najdoiq Dunghmungz, gyajseizhwngq bouxhek haeuj gyaiq caemh hwnj lai, gyoebsuenq ciepdaih bouxhek 3.53 fanh vunzbaez, baujcan hangzbanh

yinhhek 362 gyaqbaez.

Goujan lohshaw youqgaenj raeb hek ceiq lai. Youjyizvanh Goujan soq bouxhek haeujok gyaiq daengz 37.3 fanh vunzbaez, doengzbeij lai hwnj 30%. Bouxhek gyalai, benhgenjcan cauhoq doihengz yiengh yawhbauq yawhgenj lijhingzse, caemhcai seizes diuzboiq cazniemh roenloh, baujmaenh ndaej gvaqgvn vaiq. Dunghhingh Goujan guh ndaej engq yienhda, gyoebsuenq niemhcuengq bouxhek 132.4 fanh vunzbaez. Doenggvaq lai baij gingjaz, guhndei bouhloh, Dunghhingh Benhgenjcan

gvaqgvn ndaej vaiq gvaq lailai.

Muengx roenloh hwnjmbaek gyahaeuj rengz moq hawj hamj guek baeyouz. 7 nyied 1 hauh hainduj, Dunghhingh haidoeng gaudiet cigsoh daengz Gveicouh, Swconh, Sanjsih, Gvangjdungh doengh gij dieg neix, lai hawj bouxhek haeuj gyaiq "youz Cungguk ngoenz ndeu" ndaej bae gya di. Gvaqgvn vaiq caeuq gvaqgvn swnh dox boiqhab guh, hawj bouxhek ndaw guek rog guek ndaej lai raen yienghsiengq lai yiengh Cungguk. (daj 《Gvangsiah Yizbau》 aeu Lij Yenz Dwng Cunghyau)

Cunghyangh Minzda Daengz Ningzmingz Guh Diuyenz

Mboengqneix, Cunghyangh Minzcuz Dayoz Cungguk Siujsiq Minzcuz Yijyenz Vwnzyoz Yozyen cujiz vunz daengz Ningzmingz Yen guh Guekgya Minzvej minzcuz yenzgiu hanghmoeg "diucaz yenzgiu gij vahgangj henzguk Denh Gvei sawjyung cingzgvang", doeng-gvaq daengz dieg diucaz yenzgiu cam ra gij vahgangj dieg henzguk yungh ndaej baenzlawz yiengh, vih baujhoh caeuq cienziep vahgangj daezhawj soqgawq cengjdaemx.

Diuyenzcu gonglaeng youq Ningzmingz Yen Aiden Cin Ganh' ai Cunh, Cwngzcungh Cin Gveizdangz Cunh guh diuyenz, caeuq vunzmbanj nienzgeij, minzcuz, singqbied, ciknieb mbouj doengz ganggoj. Youq mwh diuyenz, diuyenzcu hopheux vahgangj yungh lainoix, gangj daih caeuq daih cienziep mbouj doengz, vahgangj baujhoh aeyungh doengh gij vwndiz neix, caeuq

vunzmbanj ganggoj, soucomz gij soq dangdieg Vahcuengh, Vahyauz, Vahhek doengh gij vahgangj neix youq ngoenznaengz gangj, ndawranz cienziep, ndawbiengz yungh daengj yungh lai yungh noix.

Ciuq cam rox, baez diuyenz neix cujyau cimdoi gij vahgangj dieg henzguk raeuz yungh ndaej baenzlawz guh diucaz caeuq yenzgiu, Ningzmingz Yen miz gij vahgangj vwnzva swhyenz caeuq minzcuz vwnzva swhyenz fungfouq, gak minzcuz yungh lai cungj vah yienh' ok gak minzcuz lai doxbyaij doxgyau doxyungz. Doenggvaq diuyenz, cingjeix gij cingzgvang seizes caeuq fazcanj hojcauq vahgangj dieg henzguk, vih ceiqdingh gij cwngcwz baujhoh vahgangj gohyoz, doidoengh gij conzdungj vwnzva maenhndei Cunghvaz Minzcuz cienziep cauhoq daezhawj gezcwz canhgauj.

(Liengz Yijcingz, Liengz Funghgoz)



Vuzcouh: Gangigouj Nyaengq Hwnjroengz Huq

8 nyied 24 hauh, Vuzcouh Gangj Lijgyahcangh dieg guhhong hwnjroengz siengcangcomz cingq miz bouhloh guh, ci, ruz baebae dauqdaug, yienhciengz nyaengqnyatnyat. Vuzcouh Gangj dangguh "aen gangj hung daih' it dahndaw Gvangjsih" dieg youqgaenj lai yienh okdaeuj, daehyinh siengcangcomz yae laebdaeb lingxdaez ranghdieg Sihgyangh, meizdanq, haex youz doengh gij huq hung neix caeuq daehyinh huq siengcangcomz doxdaeb, hawj soq daehyinh lai hwnj yienhda.

(Hoz Vazvwnz ingi)

Nazboh: Makbwzyanghgoj Hawj Vunzlai Baenzmiz

Ngamq haeuj seizes, youq dieg ndaem makbwzyanghgoj Nazboh Yen Bwzswngj Yangh Bwzswngj Cunh, gyoengqvunz cingq nyaengq mbaet mak, bouxcawj dieg ndaem mak Nungz Binghgaih daengx ranz vunz genjleh makbwzyanghgoj, bouxboux naj riunymnyum.

"Bineix dou ndaem mak 110 moux, doenggvaq 'diegnamh riuzcienj + guhhong canh ngaenz + dinfwngz caeyungh', hawj bouxvutgungz henzgyawj

miz hong guh ndaej canh ngaenz. Mwh gyauejbi hong nyaengq, yangh dangjveij, cwngfuj lij heuh 40 lai boux dangjyenz ganbu daeuj bang dou dajndaem."Nungz Binghgaih naeuz.

Bineix doxdaeuj, Nazboh Yen hengzgah gij cwngcwz "hwnq gonq bouj laeng" hawj ndaem makbwzyanghgoj ndaej lai ndei, gajgez gij youheiq baihlaeng vunzmbanj guh canjnieb, miz yied daeuj yied lai bouxcoz dauq ranz guh reihnaz cauhnieb.

Geij bi neix daeuj, Nazboh Yen Bwzswngj Yangh doenggvaq "gomiz+gomak", gujli dangjyenz daiqdaez ndaem makbwzyanghgoj, mboujduenh guh' ak yiengh lienz nungz daiq nungz. Ciuq cam rox, aen yangh neix bineix gujsuenq makbwzyanghgoj baenz mak 20 fanh gaen, bi gai baenz cienz 100 fanh maenz, makbwzyanghgoj hawj vunzlai lai ndaej ngaenz baenzmiz.

(Nungz Yungj)